

Հավելված  
ՀՀ փոխվարչապետի N 164 - Ա  
որոշման

**«ՀԱՅԿԱԿԱՆ ԿԱՐԻՏԱՍ» ԲԱՐԵՍԻՐԱԿԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ԿՈՂՄԻՑ «ՀԱՅԱՍՏԱՆՈՒՄ  
ՆԵՐԱՌԱԿԱՆ ԵՎ ՀԱՄԱՊԱՏԱՍԽԱՆ ՈՐԱԿՑԱԼ ԿՐԹՈՒԹՅԱՆ ԿԱՅԱՑՈՒՄ» ԾՐԱԳԻՐ**

|    |                                      |   |
|----|--------------------------------------|---|
| 1. | Ծրագրի նպատակը                       | Նպաստել Հայաստանում ներառական և որակյալ կրթական համակարգերի կայուն ամրապնդմանը՝ կրթական բարեփոխումների շրջանակներում:   |
| 2. | Ծրագրի բարեգործական որակման նպատակը  | Օրենքով սահմանված կարգով օգտվել Հայաստանի Հանրապետության հարկերի, տուրքերի և պարտադիր վճարների գծով արտոնություններից:  |
| 3. | Բարեգործը                            | 1) Գերմանիայի Դաշնային Հանրապետության տնտեսական համագործակցության և զարգացման նախարարություն (Գերմանիա, քաղաք Բեռլին 10963, Ստրեսենանշտրասե 94).<br>2) Կարիտաս Գերմանիա (Գերմանիա, քաղաք Ֆրայբուրգ, Կարլշտրասե 40)  |
| 4. | Ծրագիրը կատարողը                     | «Հայկական Կարիտաս» բարեսիրական հասարակական կազմակերպություն (քաղաք Գյումրի, Հ. Սարգսյան փողոց, 3-րդ նրբանցք, տուն 8, ՀՎՀՀ՝ 05514397)  |
| 5. | Ծրագրի իրականացման վայրը և բնագավառը | Հայաստանի Հանրապետության Շիրակի մարզ՝ քաղաք Գյումրի և Մարալիկ, Արթիկ, Աշոցք բնակավայրեր, Հայաստանի Հանրապետության Արարատի մարզ՝ քաղաք Արտաշատ, Հայաստանի Հանրապետության Լոռու մարզ՝ քաղաք Վանաձոր, Հայաստանի Հանրապետության Գեղարքունիքի մարզ՝ քաղաք Գավառ: Բնագավառը՝ կրթական  |
| 6. | Ծրագրի բյուջեն                       | 605,801.40 եվրոյին համարժեք դրամ  |
| 7. | Բարեգործություն ստացողը              | 1) 7 դպրոց (Հայաստանի Հանրապետության Շիրակի մարզ՝ Գյումրու N 8 միջնակարգ, Գյումրու N 28 հիմնական, Գյումրու N 29 հիմնական, Գյումրու N 11 հիմնական, Մարալիկի N 2 միջնակարգ, Արթիկի N 2 հիմնական, Աշոցքի միջնակարգ դպրոցների 3,559 աշակերտ և 437 աշխատակից).<br>2) 6 մանկապարտեզ (Հայաստանի Հանրապետության Շիրակի մարզ՝ Գյումրու |

|    |  |   |
|----|--|---|
|    |  | <p>«Երազանք», «Ծիածան», «Լուս աստղիկ», «Մարալիկի Ռոմի Բարոնյանի անվան», Արթիկի N 2 և Աշոցքի մանկապարտեզների 640 երեխա և 147 աշխատակից).</p> <p>3) Հայաստանի Հանրապետության Շիրակի մարզում բնակվող 180 հաշմանդամություն ունեցող երեխա.</p> <p>4) Հայաստանի Հանրապետության Շիրակի մարզում բնակվող 70 հաշմանդամություն ունեցող երեխայի ծնող և 50 ծնող ծնողական խորհուրդներից.</p> <p>5) Հայաստանի Հանրապետության Շիրակի միջին մասնագիտական հաստատություն (250 ուսանող և 25 դասախոս).</p> <p>6) Գյումրու, Վանաձորի, Գավառի և Արտաշատի ցերեկային խնամքի կենտրոնների 309 երեխա և 46 աշխատակից.</p> <p>7) 120 համագաղափարակիր ուսանող:</p>   |
| 8. | Ծրագրի իրականացման տևողությունը  | 2026 թվականի մարտի 23-ից մինչև 2028 թվականի դեկտեմբերի 31-ը   |
| 9. | Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը | <p>1) ծրագրում ընդգրկված հաստատությունների անձնակազմի և շահագրգիռ կողմերի (երեխաների ծնողներ, աշակերտական խորհուրդներ, աշակերտներ, համագաղափարակիր ուսանողներ) համար «Հաշմանդամություն ունեցող երեխաների ծնողների ինքնաաջակցման խմբերի կարողությունների զարգացում» դասընթացների կազմակերպում՝ սեմինար - վարժանքների, քննարկումների և փորձի փոխանակման միջոցով - 532,433.93 եվրոյին համարժեք դրամ.</p> <p>2) հաշմանդամություն ունեցող երեխաների ծնողների, ուսանողների, դպրոցների ուսուցիչների և տնօրենների տարածաշրջանային և օտարերկրյա հանդիպումներին, փոխանակման այցերին ու համաժողովներին մասնակցության ապահովում - 58,054.78 եվրոյին համարժեք դրամ.</p> <p>3) դպրոցների, մանկապարտեզների, միջին մասնագիտական հաստատության և ցերեկային խնամքի կենտրոնների սենյակների և դասասենյակների համար կահույքի ձեռքբերում ու տեխնիկական հագեցվածության և հասանելիության ապահովում - 5,714.29 եվրոյին համարժեք դրամ.</p> |

|     |  |  |
|-----|--|--|
|     |  | 4) իրազեկման բարձրացմանն ուղղված նյութերի (ձեռնարկներ, բուկլետներ և պաստառներ) տպագրություն, մեդիա արշավների կազմակերպում - 9,598.40 եվրոյին համարժեք դրամ:  |
| 10. | Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը   | 1) դրների լայնացման և թեքահարթակների կառուցման ծառայությունների, տեխնիկայի, դիդակտիկ պարագաների ու հարմարեցված գործիքների ձեռքբերում - 5,714.29 եվրոյին համարժեք դրամ.<br>2) նյութերի տպագրության և մեդիա արշավների կազմակերպմանն ուղղված ծառայությունների ձեռքբերում - 9,598.40 եվրոյին համարժեք դրամ.<br>3) շահագործվող ավտոմեքենայի վառելանյութի և պահեստամասերի, տարածքի վարձակալության, գրասենյակային պարագաների և գրասենյակային ծառայությունների ձեռքբերում - 44,670.63 եվրոյին համարժեք դրամ: |
| 11. | Ծրագրի իրականացման հետ կապված կազմակերպական ծախսերը  | 1) աշխատավարձ - 107,944.49 եվրոյին համարժեք դրամ.<br>2) գրասենյակային տարածքի վարձակալություն - 12,014.29 եվրոյին համարժեք դրամ:   |
| 12. | Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ | Հայաստանի Հանրապետության կրթության, գիտության, մշակույթի և սպորտի նախարարություն, Հայաստանի Հանրապետության աշխատանքի և սոցիալական հարցերի նախարարություն, Հայաստանի Հանրապետության Շիրակի մարզպետի և Գյումրու համայնքապետարանի աշխատակազմների հետ:   |
| 13. | Ծրագրի արդյունավետության նկատմամբ վերահսկողության մեխանիզմների նկարագրությունը                           | 1) Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված կարգով սահմանված տեղեկությունների ներկայացում լիազորված մարմին:<br>2) ծրագրի իրականացման վերահսկողությունը կրելու է պարբերական բնույթ և կատարվելու է Գերմանիայի Դաշնային Հանրապետության տնտեսական համագործակցության և զարգացման նախարարության, Կարիտաս Գերմանիայի կազմակերպության և «Հայկական Կարիտաս» բարեսիրական հասարակական կազմակերպության Վարչական Խորհրդի կողմից:                               |

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ